

Peserta negara cuba pertahanan kejuaraan

PUTRAJAYA 7 Mac - Peserta negara, Fathiah Ibrahim yang berjaya ke peringkat akhir Pertandingan Pidato Antarabangsa Bahasa Melayu (PABM) Piala Perdana Menteri 2012 esok akan cuba sebaik mungkin untuk mempertahankan kejuaraan Malaysia bagi kategori nusantara.

Pelajar berusia 23 tahun dari Universiti Putra Malaysia (UPM) itu berkata, tugas mempertahankan kejuaraan bukanlah mudah tetapi dia akan berusaha memberikan yang terbaik.

"Saingan peserta peringkat nusantara yang layak agak sengit, terutamanya dari peserta Brunei yang mempunyai susunan bahasa dan gaya begitu baik," kata pelajar Ijazah Pembangunan Sumber Manusia itu ketika ditemui pemberita di sini hari ini.

Sejak kategori nusantara diwu-



MUMTAZAH



WAHYUDI

judkan pada 2008, peserta negara tidak pernah terlepas menjadi johan bagi kategori tersebut.

Pada edisi lalu, peserta negara, Amiruddin Abd. Rahman meneruskan kecemerlangan untuk mengekalkan kejuaraan.

Sementara itu, peserta Brunei, Dayangku Mumtazah Pangeran Md. Jaafar, 22, berkata, dia mengambil masa sebulan untuk menjalani la-

tihan sebagai persediaan.

"Saya juga mendapat tunjuk ajar daripada peserta dari Brunei, Awang Abdul Rashid Awang Damit yang memenangi tempat kedua pada tahun lepas.

"Saya akan cuba memberikan persembahan terbaik esok di peringkat akhir," kata pelajar Pengajian Usuluddin dan Tafsir Hadis Universiti Islam Sultan Sharif Ali (UNISSA) itu.

Peserta Indonesia, Wahyudi, 22, berkata, kemaraan ke peringkat akhir pada edisi kali ini menebus kekecewaan negara itu pada tahun lepas.

"Pada tahun lepas, peserta Indonesia tidak layak untuk ke peringkat akhir. Peluang yang ada ini akan saya gunakan sebaik mungkin," ujar pelajar Universiti Negeri Jakarta itu.



PESERTA dari Malaysia, Fathiah Ibrahim ketika berpidato di peringkat separuh akhir di Putrajaya, semalam.